

鍾榮光先生在中美募捐消息

智利國刺溫那市通訊云。鍾榮光先生於去歲十月廿六到意基忌。登岸後。中國領事及中華商會。同義堂。○(客籍)忠勇堂。○(廣府人)國民黨。均派代表接船。即夕在商會開歡迎會。次晚仍在商會影畫開捐。廿八在同義堂。廿九在忠勇堂。三十在國民黨。先後開會。三十及三十一日沿門募捐。總數約八千餘金元。一號乘車至刺溫那市。即晚開捐。是埠鄰近。俱出硝。僑商營業及生活。多靠硝山。十四回意基忌埠。收束捐款。十五號。即乘船南下云。

一月二十一日南美通訊云鍾先生於十二月十六日午後由智利乘都乘汽車橫過安達斯山(車路最高處一萬〇五百英尺)十八晚抵阿根廷國京此爲南美第一通會。居民約二百萬。歐美各國都以此爲殖民地銷貨場。而僑胞僅得六十餘人。中日貨店二間。加非館三間。其他多當廚役。當鍾先生到埠時。有大東公司李玉堂。宏利號黃伯信。及由上海來行商何樂清等君。登車歡迎。至法人所開之旅店歇宿。並由老于阿京之鍾高君奔走召集。于十九晚在宏

利號影畫講演。粵浙人士到者三十餘人。當場開捐。二十一晚復設公譙于該京有名之十四層樓上。廿三日由黃伯信君收清捐款。得美金千餘元。卽日鍾先生乃由阿京乘船東往。廿八晚到巴西國京。接船者有中國領事館秘書。中華會館職員。及同學陳榮基等君十人。是晚大雨傾盆。衣履盡濕。仍照原定計畫在會館開歡迎會。一月一日元旦。再集僑衆開會影畫勸捐。有徐亮衡君首捐美金五百元爲倡。接續復捐千餘金元。鍾先生以奔走數月。暫息征塵。故于九日與陳榮基君。乘汽車十時游聖保祿省會。于十一號星期晚。在何啓光君所開餐館召集開捐。亦得五百餘美金。十二回巴京。統計巴京及聖保祿二處僑胞僅三百人。一部分六七十人爲老客。（卽從前所稱猪仔）現仍多迷于烟賭。一部份約五十人爲浙江人。除三五名之外。其他多與廣東人言語不通。其列籍會館者百餘人。幾全業西餐館。乃集款至二千二百餘金元。（每元收巴幣九元）可謂熱心矣。鍾先生因候船連日爲徐亮衡伍時爍莊松廖增祿等君。邀遊各名勝。十六日乃乘英公司船往千里達矣。